



Broj: 03-02-01-1609 /19  
Sarajevo, 05.12.2019.godine

5-12-2019

01	05	41335 + 137
----	----	-------------

**Kanton Sarajevo**  
**Skupština Kantona Sarajevo**  
**N/r gosp. Elmedin Konaković, predsjedavajući**  
**Ul. Reisa Džemaludina Čauševića broj 1**  
**71 000 Sarajevo**

**Predmet: Odgovor na pitanje zastupnika u Skupštini Kantona Sarajevo Elvisa Vrete**

Poštovani,

Shodno Vašem Dopisu broj: 01-05-41335-29/19 od 21.11.2019.godine u prilogu Vam dostavljamo odgovor na pitanje postavljeno na 15. radnoj sjednici Skupštine Kantona Sarajevo od strane zastupnika u Skupštini Kantona Sarajevo Elvisa Vrete, a koje glasi:

**„Tražim objašnjenje zašto se obračunava i naplaćuje puni iznos računa za mjesec početka i kraja grijne sezone a građani uslugu koriste pola mjeseca, plate uslugu za jedan mjesec u punom iznosu u toku grijne sezone, a ista nije izvršena“?**

**Odgovor:**

Način fakturisanja i obračun utrošene toplotne energije korisnicima usluge centralnog grijanja je definisan Tarifnim sistemom KJKP „Toplane - Sarajevo“ d.o.o. sa metodologijom obračuna isporučene toplotne energije i matricom tarifnih modela (Sl. novine Kantona Sarajevo broj: 34/16 i 34/18), koji je Odlukom donesen od strane Vlade Kantona Sarajevo, a na osnovu Zakona o komunalnim djelatnostima Kantona Sarajevo (Sl. novine Kantona Sarajevo broj: 14/16, 43/16, 10/17- Ispravka 19/17, 20 /18 i 22/19) i Uredbe o opštim uslovima za proizvodnju, isporuku i korištenje toplotne energije (Sl. novine Kantona Sarajevo broj: 22/16).

Obračun utrošene toplotne energije, vrši se na osnovu korisne površine stambenog i/ili poslovnog prostora ili očitano stanja na zajedničkom/individualnom mjerilu toplotne energije, prema Metodologiji i Matrici tarifnih modela.


S obzirom na poduzimanje niza mjera koje korisnici trebaju poduzeti u cilju obezbjeđenja mjerenja i energetske efikasnosti, nisu bili stečeni uslovi za obračun i fakturisanje kod svih korisnika na osnovu izmjerene utrošene energije na obračunskom mjernom mjestu - zajedničkom /individualnom mjerilu toplotne energije. S tim u vezi, članom II Odluke Vlade Kantona Sarajevo broj 02-05-25151-10/16 od 15. augusta 2016. godine, određeno je da se prelazak sa linearnog načina fakturisanja kroz 12 mjeseci za stambeni prostor i 7 mjeseci za poslovni prostor, na obračun i fakturisanje priključne snage (40% ukupne cijene - fiksni troškovi) kroz 12 mjeseci i isporučene energije (varijabilni dio troškova - 60% od ukupne cijene) kroz 7 mjeseci sezone grijanja (januar, februar, mart, april, oktobar, novembar i decembar), primijenuje od 01.08.2016. godine i



odnosi na objekte bez mjerenja. Obračun utrošene toplotne energije za objekte bez mjerenja se i dalje vrši u skladu sa Odlukom broj: 02-05-25151-10/16.

Za korisnike sa ugrađenim individualnim mjerilom toplotne energije očitano stanje na individualnom mjerilu toplotne energije je osnova za obračun toplotne energije (varijabilni dio troškova grijanja).

S poštovanjem,

 Direktor  
